



## საქართველოს იუსტიციის უმაღლესი საბჭო

ქ. თბილისი № 1/52

“ 17 ” ივნისი 2021 წ.

### ბ ა ნ კ ა რ ბ უ ლ ე ბ ა

გ. კახეთელიძის თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, გერონტი კახეთელიძე 2021 წლის 18 ივნისიდან გამწესდეს თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

## დასახუთება

### გერონტი კახეთელიძის თბილისის სააპელაციო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის სააპელაციო სასამართლოს სისხლის სამართლის საქმეთა პალატის მოსამართლის 4 ვაკანტურ თანამდებობაზე.

კანდიდატა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 16 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის გერონტი კახეთელიძეზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

#### კანდიდატის შესახებ მოძიებული ინფორმაცია:

გერონტი კახეთელიძეს აქვს სპეციალობით მუშაობის 26-წლიანი, მათ შორის მოსამართლედ მუშაობის 9-წლიანი გამოცდილება. იგი საერთო სასამართლოების მოსამართლეა 2012 წლის 1 იანვრიდან. გერონტი კახეთელიძე სხვადასხვა დროს მუშაობდა საქართველოს უშიშროების სამინისტროში, საქართველოს შინაგან საქმეთა სამინისტროში და საქართველოს ფინანსთა სამინისტროში სხვადასხვა თანამდებობაზე. ამჟამად არის თბილისის სააპელაციო სასამართლოს სისხლის სამართლის საქმეთა პალატის მოსამართლე.

გერონტი კახეთელიძეს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოდვაწეობის ბოლო 3-წლიან პერიოდში დასრულებული აქვს 694 საქმე (საშუალოდ დღეში 0,7 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 93,8%. განსაკუთრებით აღსანიშნავია გერონტი კახეთელიძის მიერ საქმეთა განხილვისას საპროცესო ვადების დაცვის მაჩვენებელი, კერძოდ, მას საქმეთა 100% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

გერონტი კახეთელიძე იუსტიციის უმაღლეს სკოლაში ატარებს სალექციო კურსს თემებზე - სიძულვილის მოტივირებული დანაშაული და ოჯახში ძალადობა და ქალთა მიმართ ძალადობა. 2018-2019 წლებში ჩატარებული აქვს 4 სალექციო კურსი.

#### კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ გერონტი კახეთელიძეს გაესაუბრნენ 2021 წლის 2 ივნისს. გასაუბრება წარიმართა ღია სხდომაზე.

### კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი გერონტი კახეთელიძე შეაფასა კომპეტენტურობისა და კეთილსინდისიერების კრიტერიუმების მიხედვით.

გერონტი კახეთელიძის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ გერონტი კახეთელიძის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1043 ქულა, რაც ქულების მაქსიმალური რაოდენობის 86,92%-ია.

### კენჭისყრის შედეგები:

2021 წლის 17 ივნისს თბილისის სააპელაციო სასამართლოს სისხლის სამართლის საქმეთა პალატის მოსამართლის მე-2 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, გერონტი კახეთელიძემ მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 15 კანდიდატი, მათგან 11 მოქმედი მოსამართლე (3 - სააპელაციო ინსტანციიდან, 8 - პირველი ინსტანციიდან), 3 ყოფილი მოსამართლე და 1 იუსტიციის უმაღლესი სკოლის ყოფილი მსმენელი, კერძოდ:

- |                                |                                 |
|--------------------------------|---------------------------------|
| 1. ბიჭია შოთა - 0 ხმა          | 9. ლომთათიძე მზია - 0 ხმა       |
| 2. გორგაშვილი სანდრო - 0 ხმა   | 10. მაისურაძე მადონა - 0 ხმა    |
| 3. გოცირიძე კობა - 0 ხმა       | 11. მაჭავარიანი კახაბერ - 0 ხმა |
| 4. გრატიაშვილი გიორგი - 0 ხმა  | 12. ნარიმანიშვილი დავით - 0 ხმა |
| 5. გურული მალხაზ - 0 ხმა       | 13. ნაჭყებია ნინო - 0 ხმა       |
| 6. კალატოზიშვილი არსენ - 0 ხმა | 14. ტყემელაშვილი რომეო - 0 ხმა  |
| 7. კახეთელიძე გერონტი - 11 ხმა | 15. ფორჩხიძე ვიოლეტა - 0 ხმა.   |
| 8. ლობჯანიძე გიორგი - 0 ხმა    |                                 |

1 ბიულეტენი გაბათილდა.

### დასკვნა:

კანდიდატ გერონტი კახეთელიძის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა გერონტი კახეთელიძე.

ნიკოლოზ მარსაგიშვილი  
საქართველოს იუსტიციის  
უმაღლესი საბჭოს მდივანი

